



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-028-9/22**
Datum: **26.09.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu JU KOMUNALNO-STAMBENI FOND Cazin za izdavanje prethodne vodne saglasnosti za rekonstrukciju putnog pravca Luke (Dabinovac), u vodnom dobru i/ili plavnom području rijeke Une (vodotoka I kategorije), u naselju Ostrožac na Uni i Prošići, Grad Cazin, na osnovu člana 121. stav 3. Zakona o vodama („Službene novine Federacije BiH“, broj 70/06) i člana 67. stav 2. Zakona o upravnom postupku („Službene novine Federacije BiH“, broj 2/98, 48/99 i 62/22), donosi

ZAKLJUČAK

Odbacuje se zahtjev podnesen od strane JU KOMUNALNO-STAMBENI FOND Cazin, za izdavanje prethodne vodne saglasnosti za rekonstrukciju putnog pravca Luke (Dabinovac), u vodnom dobru i/ili plavnom području rijeke Une, u naselju Ostrožac na Uni i Prošići, Grad Cazin, zbog nepotpunosti dokumentacije i smatra se kao da nije niti podnesen.

Obrazloženje

JU KOMUNALNO-STAMBENI FOND Cazin obratilo se ovoj Agenciji dana 17.12.2021. godine (zaprimljen dana 28.01.2022. godine), zahtjevom za izdavanje prethodne vodne saglasnosti za rekonstrukciju putnog pravca Luke (Dabinovac), područje Grada Cazina.

U provedenom postupku, uz zahtjev, broj: 03-692-12/19 od 17.12.2021. godine, za izdavanje prethodne vodne saglasnosti, zaprimljen dana 28.01.2022. godine, dostavljena je i pregledana slijedeća dokumentacija:

- Nalog za plaćanje upravne pristojbe (kopija),
- Rješenje o izmjenama podataka; izdano od strane Općinskog suda u Bihaću pod brojem 017-0-Reg-19-000091, dana 02.10.2019. godine (ovjerena kopija),
- Uvjerjenje o poreznoj registraciji; izdano od strane Federalnog ministarstva finansija – financija – Porezne uprave Federacije BiH – Kantonalnog poreznog ureda BIHAĆ, dana 31.08.2016. godine (ovjerena kopija),
- Kopija katastarskog plana, Katastarska općina: OSTROŽAC, Broj plana: 16, razmjera 1:6000; izdana od strane Službe za imovinsko-pravne, geodetske i katastarske poslove Grada Cazina, UR BROJ: 05-26-21357/2021-2, dana 19.11.2021. godine (ovjerena kopija),
- Kopija katastarskog plana, Katastarska općina: OSTROŽAC, Broj plana: 16, razmjera 1:6000; izdana od strane Službe za imovinsko-pravne, geodetske i katastarske poslove Grada Cazina, UR BROJ: 05-26-21357/2021-2, dana 19.11.2021. godine (ovjerena kopija),
- Studija za izdavanje prethodne vodne saglasnosti za rekonstrukciju putnog pravca „Luke (Dabinovac) MZ Prošići, Grad Cazin; urađena od strane ovlaštenog pravnog lica „EDI-ING“ d.o.o. Donji Vakuf pod brojem: 21/08-CZ/1, augusta 2021. godine, u Donjem Vakufu,

Nakon uvida u dostavljenu dokumentaciju, dana 10.03.2022. godine je urađena službena zabilješka vezano za vremenski rok između poslanog zahtjeva (dana 22.12.2022. godine – žig pošte u Cazinu) te zaprimljenog zahtjeva u Agenciji (dana 28.01.2022. godine) te je ova Agencija obavijestila podnosioca zahtjeva službenim putem, dana 17.03.2022. godine, da je predmetni zahtjev nepotpun te da podnosilac zahtjeva treba da u roku od 30 (trideset) dana, od dana prijema obavijesti, dopuni podnesak zahtjeva slijedećom dokumentacijom:

- Zemljišnoknjižni izvadak za parcele na kojima je planirana predmetna rekonstrukcija, a koje se nalazi unutar vodnog dobra rijeke Une, odnosno unutar plavnog područja rijeke Une (prema situacionom prikazu u Studiji) izdan od strane nadležnog zemljišno-knjižnog ureda Općinskog suda (dostavljena je kopija katastarskog plana 2x),
- Mišljenje o usklađenosti planiranih aktivnosti sa dokumentima prostornog uređenja, izdano od strane organa uprave nadležnog za prostorno planiranje.

Dana 21.04.2022. godine, obrađivač akta je prisustvovao sastanku sa predstavnicima podnosioca zahtjeva u službenim prostorijama podnosioca zahtjeva, a vezano za problem pribavljanja mišljenja nosioca izrade prostorno planske dokumentacije o usklađenosti predmetne aktivnosti sa istom, o čemu je sastavljena službena zabilješka.

Dana 04.05.2022. godine je zaprimljen zahtjev za produženjem roka za dopunu podneska pod brojem 03-692-14/19 od 21.04.2022. godine. Razlog za traženje produženja roka jeste nemogućnost pribavljanja mišljenja organa uprave nadležnog za prostorno planiranje, a vezano za usklađenost predmetne aktivnosti sa istom.

Podnosiocu je odobreno traženo produženje roka za dopunu podneska zahtjeva u trajanju od 90 dana, o čemu je isti i pismeno obavješten dana 05.05.2022. godine.

Dana 22.08.2022. godine je zaprimljen akt podnosioca zahtjeva, broj: 03-692-14-2/19 od 08.08.2022. godine, kojim isti traži produženje roka za dopunu podneska od 60 dana. U prilogu je dostavljeno:

- Odgovor na urgenciju podnosioca zahtjeva (03-692-14-2/19 od 09.08.2021. godine) kojim se Služba za urbanizam, zaštitu okoliša i inspekcijske poslove Grada Cazina, aktom broj: 04-19-14658/21 od 02.08.2022. godine, izjašnjava da ne može izdati mišljenje o usklađenosti predmetne aktivnosti sa prostorno planskom dokumentacijom zbog kolizije sa planiranom trasom autoputa, odnosno dok se predmetna aktivnost ne uskladi sa prostorno planskom dokumentacijom višeg ranga (kantona).

Podnosiocu zahtjeva je dana 29.08.2022. godine odobren rok od 15 dana, od dana prijema obavijesti, da dostavi dopunu podneska zahtjeva ili da odustane ili prekine postupak dok ne riješi prethodno pitanje, a sve u skladu sa Zakonom o upravnom postupku („Službene novine Federacije BiH“, broj: 2/98, 48/99 i 61/22).

Podnosilac zahtjeva je upozoren da ukoliko u predviđenom roku ne izvrši traženu dopunu podneska ili od istog ne odustane ili zatraži prekid postupka prema naprijedn navedenoj zakonskoj odredbi, zahtjev će mu biti odbačen zaključkom protiv kojeg je dopuštena posebna žalba, a sve u skladu sa članom 121. stav (3) Zakona o vodama.

Obzirom da podnosilac zahtjeva nije dopunio zahtjev u predviđenom roku, kao ni do dana donošenja ovog Zaključka, to je u skladu sa članom 121. stav 3. Zakona o vodama i člana 67. stav 2. Zakona o upravnom postupku riješeno kao u dispozitivu ovog zaključka.

Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva, u roku od 15 (petnaest) dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- JU KOMUNALNO-STAMBENI FOND,

Trg Prvog predsjednika Predsjedništva R BiH Alije Izetbegovića bb, 77 240-Čazin

- AVP Sava – ISV – Vodna knjiga

- Sektor 40 - arhiva

- oglasna ploča AVP Sava